



## VERKIEZINGSPROGRAMMA

ZEEUWS

AUTEUR: ERIC MOERDIJK

# OANS ZEËUWSE KANDIDATEN



Kees  
Hanse



Arno  
Vael



Han  
van 't Hof



Gert-Jan  
Minderhoud

## HEZOND VERSTAND VOE EEN HEZOND PLATTELAND

**BBB mikt zich zurrehen over de leefbaarheid op ut platteland. De politiek van noe is nie in stéét ebleke om een duurzaam en langjaerige visie te maeken op de ontwikkeling en het ouwen van ut platteland, mie oal z'n unieke kenmerreken, tradities, levenswiezen en cultuurlandschap. Ok ut belang van de rol van de boeren, tuunders, vissers en jaegers wor nie henoeg onderkend. In Olland is een uniek cultuurlandschap hevrmd, mie dan an de mensen die a d'r weune en werreke. Ons land sti over êêl de wereld bekend om dit unieke landschap. Di bin me hrÔÔs op en we wille ok graag a dit unieke landschap ok voe de volhende heneraties bluufft. Om dit te kunne ouwen is bestéénsrecht van onze voedsel- en blomme-maekers; de boeren, de tuunders, de vissers en de jaegers essentieel. Hun onderouwe en behere ons biezonder landschap immers a eeuwen en heve dit a eeuwen deur an de volhende heneratie.**

Inweuners van 't platteland voele d'r eihen meer en meer vervreemd van de Haegse rehels die a worre bedocht deu mensen die a te varre van ut platteland, of de rehio's af stae. BBB hi de stemme van 't platteland voehoet laete weerklinke in den Haeg. Zeker noe a hroen (weien, coulissenlandschappen) dreigt te worre inheruilt voe hries, (industrie, zunneparken, distributie- en datacentrums, wehen) is 't meer dan nodig à de stem van én voe 't platteland vertehenwoordigd wor in den Haeg. Natuurlijk bin d'r ok andere partijen die a d'r eihen zurrehen maeke over de leefbaarheid in de polder en 't voorbestaen van ons prachtige cultuurlandschap. Dat is ok hoet, me d'r is nog hin één partij die a z'n eihen ier ellemille voe inzet en ok over vier jaer nog de stemme van 't platteland is.

### **Die partij bin wij wé: BoerBurgerBeweging, ok wé BBB**

't Behoud van onze land- en tuunbouw speel een essentiële rol in een leefbaer platteland. Boeren en tuunders zurrehe voe ut landschap, bin rentmeesters van de rehio, zurrehe voe werkgelegenheid, economie, toerisme, recreatie, landschapsbeheer, natuurbeheer, en vooroal sociale binding op 't platteland. A boeren en tuunders verdwiene, ei dit zeer hrôte gevollenen voe ons platteland zo a wij dat kenne. Werkgelegenheid verdwient, jonge has-



ten trekke wig, durrepen lope leeg, supermarten en maatschappelijke voorzieningen zoas openbaer vervoer, bibliotheken en scholen hae dicht. Landschapsbeheer en natuurbeheer za flienk onder druk komme te staen a d'r hin boeren en tuunders mi bin, die a elleppe ons landschap te beouwen.

In sommihe streken van Nederland ku je ut a zie: durreppen en kernen lôôpe leeg, boeren verdwiene van 't platteland. Schuren die a leeg stae worre nu a massaal uurt of hekocht deur drugscriminelen. In sommihe streken dreihe spookdurreppen te ontstaen en sli de verpaupering van 't ok die unieike landschap ard toe. Ouwe plattelandstradities verdwien mie deze boeren en bruwers ok. De platte;landscultuur verschraalt. BBB wil dit proces een halt toe roepe deur de focus te lehhen op de rehio's in Nederland. Rehio's wi burhers uut de hrôôte steden kunnen heniete van rust, ruimte, natuur en ouwerwetse plattelandsgezelligheid en vooroal: Noaberschap.

BBB wil een halt toeroepe an de uutverkoop van ons platteland. Hezond verstand mo rehere. Mie BBB as stemme van en voe 't platteland, mie oal z'n eihen unieke kenmerken en tradities, brienge wij dit Hezond Verstand terug in Den Haag. Mie 8 pijlers lehhe wij een nieuw, stevig fundament onder de toekomst van een Hezond Platteland.

**Laete we elder weze: BBB is hin partij die a trug wil in de tied of die a 't platteland romantiseert of idealiseert. BBB is z'n eihen d'r terdehe van bewust wat voe hrôôte uitdagingen a d'r op 't platteland afkomme in de zoektocht nè ruimte. BBB wil wé da mensen die weune op 't platteland meeprate en mee-bepale welke keuzes in d'r leefomgeving worre hemikt. Nie prate óver, mè mie de beweuners van 't platteland. BBB wil da 't platteland nie 't afvoerpitje is van politiek den Haag, zo a 't noe wè vaak wor behandeld. BBB sti voe een veilig en leefbaer platteland. Een stemme voe 't platteland is een stemme voe d'r inweuners, d'r cultuur, d'r hrôôte rol in de voedselproductie, d'r recreatieve functie, d'r schoonheid, d'r rol in 't mooie Nederland.**

## GEZONDE BODEM: WAT WIL BBB?

- 01** Vruchtbaere hronde moe beschikbaar bluuve voe voedselproductie
- 02** We rieje stront nè behoefte en zurrehe d'r zo voe da planten nie langer ondervoed bin en de hronde nie uuteput wordt.
- 03** D'r komme hin beleidswijzigingen zonder vooraf praktijkproeven te doen bie representatieve bedrieven. Mete= Wete
- 04** De zehenschap van voedselproducenten bie de waeterschappen bluoft om zo de voedselproductie veilig te stellen.
- 05** Zoet waeter is essentieel voe planten, beesten en mensen. De beschikbaarheid en 't behoud van zoet waeter ei ôôhe prioriteit.
- 06** We voere een praktisch uitvoerbaer mestbeleid in. Stront uitriêê wor weersafhankelijk in plekke van kalenderafhankelijk. Bie 't mestbeleid sti 't vakmanschap, de kennis en de ervaring van de voedselproducent op de eerste plekke.
- 07** Initiatieven om fosfaat uut menselijke ontlasting te henereren worre bevorderd.
- 08** 't Gebruuk van orhanische mis wor bevorderd en wi meuhelik hi 't kunstmis vervangen.
- 09** Waeterbeheer en waterberrehing è voorrang in beleid en uitvoering.


## GEZONDE PLANTEN: WAT WIL BBB?

- 01** De emissies en vastlegging van broeikasgassen worre verrekenend (dus uitstôôt minus vastleehing). Dat is de werkelukke uutstoot.
- 02** Ut huidige mooie cultuurlandschap op 't platteland wor behouwe zo a de teelt van veilug lokaal voedsel heharandeerd is.
- 03** In oanze bebouwde ruimte kom meer aandacht voe planten as temperatuurrehelaer, producent van zuurstof en voedsel en vestigingsplekke voe veuhels, beesten en aêre planten.
- 04** De kêêmerplanten komme trug in de Twidde Kaemer en oalle ââre overheidsgebouwen. Voe meer frisse lucht en zuurstof. Dat bevordert huzond verstand.
- 05** Sins a me planten bescherme tehen ziekten en plaegen mie hewasbeschermingsmiddels è we in Europa hin oengersnôôd mi hat. De wetenschappelijke onderbouwing van 't College voe de toelaeting van hewasbeschermingsmiddels en biociden (Ctgb) bepaalt de toelaeting van hewasbeschermingsmiddels en nie de emotie van de politiek. De politiek wissel elke vier jaar, dit is hin harantie voe consistent beleid met kennis van zaken.
- 06** We zette bermen, hroenstroken en akkerranden in om de insecten- en biieënpopulatie te beschermen.
- 07** Boeren die a ier in investere worre hiervoe beloond via de pries van d'r producten.
- 08** Hos kom in de plekke van tuuntegels, oases in plekke van kaele wienkelpleinen
- 09** D'r komme meer planten, tuunen en stiltebossen in de openbaere hebouwen
- 10** We stimulare 't plekken van insectenhôtels zo da insecten wéé trugkomme in de stad, dit bevordert ôk de trugkomst van veuhels.
- 11** 't Gebruuk van hewasbeschermingsmiddels voe zaeden wor toehestae om plagen en misôôgsten te voorkomen.
- 12** We heve een impuls an (fundamenteel) onderzoek né innovatieve teelt- en dierhouderijsystemen. Nieuwe systemen die kostpriesverôôhend bin, worre deurberekend in de pries van 't eten.
- 13.** We maeke precisietechnieken in de landbouw praktijkriepe en stimulare 't gebruik d'r van. We stimulare de ontwikkeling van nieuwe moleculen voe herichte bestrijding van ziekten en plaegen.
- 14** Voe 't gebruik van hewasbeschermingsmiddels gelde voe burgers dezelfde rehels as voe boeren.
- 15** Berremen en hroenstroken in 't beheer van d'overeid, worre op een natuurlijke wieze beheerd. D'r wor allêên hemaaid wie a dat nôdig is voe de verkeersveiligheid. We zaaie berremen in mie blommerieke inheemse mengsels.
- 16** Ok planten è recht op een hoet hevulde medicienkaste.


## GEZONDE DIEREN: WAT WIL BBB?

- 01** We voere een fons, dat a wor gefinancierd deu supermarkten. Uut dit fons kriehe boeren een verhoeding voe extra (bovenwettelijke) dierwelzijns-, dierhezonheids- en milieu inspanningen. Oe meer inspanningen, oe ôôher de verhoeding voe de boer.
- 02** D'r kom een nieuwe wet- en rehelheving in Nederland en EU op 't gebied van dierenwelzijn en dierhezonheid a de kosten die a boeren motte maeke, nie in de pries van de de producten is oppenome.
- 03** De wetenschappelijke onderbouwing van 't College voe de toelaeting van hewasbescheringsmiddels en biociden (Ctgb) bepaalt de toelaeting van hewasbescheringsmiddels en nie de emotie van de politiek. De politiek wissel elke vier jaar, dit is hin harantie voe consistent beleid met kennis van zaken.
- 04** D'r komme éénuudihe welziensrehels binnen EU-verband. Mie duudelleke communicatie op (middelbaere) scholen en via consumentenorganisaties.
- 05** Antibioticareductie is een hoet streven, mé de zucht né steeds minder antibioticagebruuk, mag nie leie tot verminderd dierenwelzien. BBB za ier scherp op toezie. Dieren motte -indien noodzakelijk- behandeld kunne bluuve worre mie antibiotica.
- 06** 't Voeren van beesten mie minder eiwit, om de stikstofuutstôôt te verminderen mag nie leie tot minder hezone beesten. Agrarische belangenbehartigers kriege de vrieeid om te kommen tot een praktisch werkbaer systeem dat a hoet is voe beesten. D'r komt hin verplichte reductie van eiwit in veevoer.
- 07** A je een dood bêêst in de openbare ruimte vindt, moe je dat makkelluk en hratis kunne melde om op te laete aelen. Zo voorkom je uutbraeken en overdracht van besmettelijke ziekten en gae je mie respect om mie de bêêsten.
- 08** Schaemeldingen (as hevolg van bijv. hanzen, wolven en wilde zwijnen) bie 't Faunafons bin hratis in plekke van onderde euro's en worre volgens landelijk uniforme rehels afgewikkeld.
- 09** We handhave de nulstand van wilde zwijnen buuten anheweze natuurhebieden. Iervoe worre voldoende middels vrie hemikt zo a ter hin overlast is van zwart wild in percelen van boeren en tuunen van burgers.
- 10** Een boer mag zelluf z'n veearts uitkieze en kan makkelijk van veearts ruile.
- 11** In naevolging van ziekenuuzen in Noord-Brabant hae oalle ziekenuuzen in Nederland de rehels voe mensen die a besmet bin mie vee minder besmettelijke diergerelateerde MSRA's, ten opzichte van humaan herelateerde MRSA's anpasse an de huidihe kennis van zaken.
- 12.** We bin behae mie 't welzien van (landbouw)uusdieren, dus ok van paerden, hezelschapdieren en (wilde) beesten in de natuur. We rehele een One Welfare benadering deu een expertteam.

## GEZONDE DIEREN: WAT WIL BBB?

- 13** D'r komme extra welzijnsrehels bie deze categorieën, a 't natuurlijke hedrag wetenschappelijk in 't gedieng is. Extra welzijnsregels motte ten aollen tied uuteleid kunne worre an consumenten
- 14.** A de extra welzijnsregels voe een ôôhere kostpries zurrehe, gae supermarten de ôôhere pries zonder extra opslag deurberekene an de consumenten en di eerlijk over communicere.
- 15** D'r kom extra aandacht voe de positie van hezelschapsdieren in verstedelukt gebied of de wilde beesten in natuurhebieden.
- 16** Voe wat betreft 't ouwen van exotische beesten deur particulieren kom 't er een negatief-  
lieste, mie di op allêên de soorten die:
- beweze è da ze ongeschikt bin om deur particulieren houwe te worren, omda ze bevoorbeeld erg hevêêrluk bin (bijv. katachtigen van .....
  - Bewiesbaer schadelijk kunne weze voe de autochtone biodiversiteit (invasieve exoten) di bie gebruik maeke van de Europese lieste voe invasive soorten.
- Di nest hi de overeid richtlijnen opstelle voe het ouwen van exotische exoten, zo a die ok in Duitsland bestae. De overeid moe een hoeie controle verzurrehe, en handhave mie strenge **straffen** 

## GEZONDE BOEREN: WAT WIL BBB?

- 01** D'r kom een stabiel, langjaerig en betrouwbaar plattelandsbeleid mie een looptied van tientallen jaeren wi a in vasteleid is wie a welke ruimte kriegt in Nederland.
- 02** Nederland krieg een wet Recht op Landbouw. Deze wet waerborgt 't bestaensrecht van boeren, vissers en tuunders in Nederland. Zo wor voorkomme da mensen en orhanisaties, die a hin directe belangen ebbe bie uitbreiding of modernisering van wettelijk toehestaene agrarische bedrieven, jaerenlange procedures hi voere tehen boeren, alleen mé om da ze tehen een bepaalde bedrijfstak bin.
- 03** Om voe jonge boeren bedrijfsopvolging meuhelek te maeken, en zo de toekomstige voedselproductie in Nederland veilig te stellen, worre extra helden en fiscale voordelen beschikbaar hesteld. De meuhelekheden diene zô inhericht te wezen da jonge boeren makkelijk hebruuk kunne maeke van en toehang kriehe tot de rehelingen, in plekke a ze tehen een woud van rehels en bureaucratie aanloope. 't Plattelandsbeleid wor ophesteld saemen mie de agrarische sector, plattelandsbeweuners, bedrijfsleven en wetenschappers.
- 04** D'r kom hin nieuwe wet- en rehelheving a de extra kosten die a de boer ier voe moe make, nie in de pries van de producten wor oppenome.
- 05** Overeidsuutingen en -campagnes over voedselproductie en voedselconsumptie worre eerst etoetst
- 06** Op wêêreid en feiten. 
- 07** D'r kom een structurele campagne, hefinancierd deu de overeid, om consumenten te stimuleren in Nederland heproduceerd eten te kôôpen.
- 08** Overeidssubsidies an orhanisaties die a bepaalde voedselproducenten wille were van 't menu worre stop ezet. Een burher kan zelf wê bepale wat a t'n eet.
- 09** D'r komme henoeg gelden beschikbaar voe toehepast onderzoek en praktijkonderzoek voe land- en tuunbouw in verschillende rehio's van 't land.
- 10** De komst van nieuwe burherweuningen in 't ahrarische buutenhebid leie nooit tot beperkingen voe de bedrijfsvoering van de ahrarische sector. Weune in 't buutenhebid betekent erkenne en accepter a voedselproductie essentieel is en nie beperkt mag worre. Boeren motte wé rekening ouwe mie 't weunhenot van oalle inweuners in d'r omheving.
- 11** Nieuwe plattelanders kriehe de meuhelekheid om een inboeringscursus te vollehen. Deze cursus wor saemen mie boeren- en plattelandorhanisaties ontwikkeld en mede hufinancierd deu 't ministerie van Platteland. Boeren en burhers lere zô mekkorres levenswiezen te respecteren en gae direct miet mekkôôre in dialoog.



## GEZONDE BURGERS: WAT WIL BBB?

- 01** We motte onder oohen zie da virussen en dus ok Covid-19 aeltied bluuve, zo a hriep ok onderdeel is eworre van ons leven. Op basis van dit uitgangspunt mo 't Kabinet handele. Een langetermijnbeleid ontwikkelde die recht doet an de vrieeid, de hezondeid en de sociale binding tussen mensen in Nederland.
- 't Kabinet ontwikkelt zo snel meuhelek een langjaerige visie op een maatschappij mie Covid-19. Tussentieds maatrehels neme en dan wee afschale heef hrôôte onzekereid, onrust en onduudelekheid, ontnem vrie-eden en is slecht voe de economie. Opschaling van de zurg voe onderzoek na een behandeling van virussen is essentieel.
- Bescherming van personeel in verpleeguuzen, zurgcentra, ziekenuuzen, etc. ei in 't langjaerige beleid de ôôgste prioriteit. Dit gel nie alleen voe zurgpersoneel, mè ok voe schoonmaekpersoneel.
- De plicht of een advies om mondkapjes te draehen wor nie overelaete an de ondernemers. 't Kabinet dien al dan nie een mondkapjesplicht (in de publieke ruimte) af te kondehen. Dit afschuuve op individuele ondernemers is laf, onverantwoord en onveilig. Ondernemers worre op deze maniere meugeluk blootgesteld an ahressie en heweld deur mensen die a nie an een individueel mondkapjesadvies wille voldoe. Om nog mè te spreken van de on-handhaafbaarheid.
- A we 't hebbe over 't Covid-19 vrius, hebruuke we 't woord Covid-19. Corona dekt nie de lading van dit virus. Coronavirussen bin d'r in vee soorten en maeten en komme bie verschillende bêêsten voe. Dit is nie oaltied Covid-19.
- Politieke moties wi a in evrohe wor om een fokverbod voe bêêsten die a hevoelig bin voe coronavirussen worre dan ôk onheldig verklaerd, of worre tekstueel annepast voe 't indienen d'r van. Dit zou immers aors betekene a t'r een fokverbod wor evrohe voe vee beesten in Nederland. Dus ok voe onden, katten en paerden.
- 02** D'r bin hoeie voorzieningen nodig (openbaer vervoer, scholen, heldautomaat, ambulance, politiepost, medische en culturele voorzieningen, snel internet) op 't platteland wi deur a oud en jong zich tuus kunne bluuve voele in d'r eihen rehio. Nest 't Grote Stedenbeleid, komt d'r een plattelandsbeleid om de leefbaereid in de rehio's te waerborhen en te bevorderen.
- 03** D'overeid is t'r voe d'r inweuners en nie andersom. Beleid, houding en hedrag van d' overeid wor ier op etoetst.
- 04** D'r komme 'meer anden an't bedde' in de zurg zo a d'r ok meer tied is voe sociaal contact.

## GEZONDE BURGERS: WAT WIL BBB?

- 05** De hrôte rol van vriewillihurs en mantelzurhers in mie naeme de owerezurg wor erkent en hefaciliteert. Dirom wil BBB da in de durrepen wi a voldoende ruimte is, mensen in de he-leheneid hesteld worre een zohenaemde “kangeroeweuning’ gestalte te heven, bievoorbeeld deu ’t plekken van en ruum tuunuusje of weununit. Zo da hun zurg kunnen bieë an d’r ouwers.
- 06** D’r kom een minister voe ’t Platteland mie een departement op minimaal 100km afstand van d’n Haeg.
- 07** We beperke de wet- en rehelheving. D’r kom hin nieuwe wet- en rehelheving zonder a d’r ok bestaende wetten en rehels worre afgeschaft.
- 08** We zurrehe voe ’t behoud van de ahrarische sector en MKB-bedrieven op ’t platteland en ouwe di mie werkgelegenheid, leefbaereid en een hezonde economie in stand.
- 09** We beouwe ’t huidige cultuurlandschap op ’t platteland, wi mensen uut de stad kunne recreëre en hezonde lucht kunne eesseme.
- 10** We stimulere verthroening deu burhers (tehels d’r uut, hroene balkons, meer planten, tuunen en bôômen etc.)
- 11** We faciliterere ’t beoud en de trugkeer van buurtwienkels op ’t platteland.
- 12** We laete burhers zelf bepale wat a ze wille ete, de taak van d’overeid is informere en voorlichte.
- 13** We heve an burhers eerlijke informatie over ’t belang van dierlijke eiwitten in een uitgebalanceerd voedselpatrôôn.
- 14** ’t Kabinet hi 9 miljoen euro investere in Voedselbanken Nederland. Mie dit bedrag kan ’t ministerie van Sociale Zaken een Europese subsidie van 60 miljoen anvraehe bie de Europese Commissie voe Voedselbanken Nederland. Dit Europese fons voe voedselbanken bestae hewoon, alleen Nederland hebruukt die meuhelekeid nie.  
Ter verheliek: Frankriek krieg elk jaer 500 miljoen euro Europese subsidie voe voedselbankulp. De 60 miljoen euro is ard nôdig. ’t Aantal mensen dat a hebruuk mikt van de Voedselbank in Nederland stijgt ieder jaer. Verwacht wor da (vanwehe COVID-19) kommend jaer nog es een extra hrôte hroei te zien za weze van 30-35%. Ahrarische orhanisaties bundele intussen de krachten mie Voedselbanken Nederland, om de voedselvoorziening an voedselbanken een impuls te heven.
- 15** We verbieje de import van producten die a heproduceerd bin op een maniere die a in Nederland nie is toehestêê. Andelsverdraehun motte ier op etoetst worre en wi nodig annepast.
- 16** Producten die a vitaal bin voe de Nederlandse saemenleving motte ok in Nederland heproduceerd worre, noe en in de toekomst. Dienk ierbie an hewasbeschermingsmiddels voe de zurg, een basis voedselpakket, branstoffen, bepaalde medicienen en drienkwater.

## GEZONDE BURGERS: WAT WIL BBB?

- 17** Antibioticahebruuk bie zowel beesten es mensen beperkt tot wat a strikt noodzakelijk is.
- 18** We stelle de mensen centraal en nie de rehels, zo as bievoorbeeld in t'dossier kindertoeslag en inkomstebelasting.
- 19** D'r kom meer voorlichting en positieve aandacht voe de zurgsector in 't onderwies. Zo bluuf ok in de toekomst de zurg voe mensen beschikbaer.
- 20** Rehelheving die hrôte rustuuzen prevaleert wor afgeschaft. Kleinschalige rustuuzen functionere optimaal, voorzie in een hrôte behoefte en bin elementen voe de sociale cohesie op t'platteland en in de wijken.
- 21** 't Scheien van partners bie opnaeme in een rustuus is verleeê tied.
- 22** D'r kom meer waardering voe de mensen in de zurreg op de werkvloer, ok structureel financieel.
- 23** Hezonde (landbouw)uusdieren bin belangriek voe hezonde burhers, dus ziektepreventie en hygiëne sti voorop bie 't maeken en uitvoeren van beleid.
- 24** Ok uusdieren in de stad en (wilde) beesten in de natuur kun ziek worre. D'r kom hoeie communicatie over zoönosen; wat bint en oevee risico heve ze voe mensen.
- 25** (Landbouw)uusdieren kenne en eel hoet monitoringssysteem voe een hroot aantal dierziekten via de GD. D'r kom een match mie de systemen van de GGD. Wij bin voorstander van de One Health benadering, dus een combinatie van de humane en de dierheneeskundihhe anpak voe volks- en dierhezondeid.
- 26** Bie een uitbraak van een mens- of dierziekte wor t'r deu een expert/communicatieteam eenduudig en. Helder hucommuniceerd ne parlement , overeid en burhers.

## GEZONDE ECONOMIE: WAT WIL BBB?

- 01** D'r kom henoeg ontwikkelingsruimte voe producenten die a d'r voe kieze om in Nederland te bluuven.
- 02** D'r kom henoeg ontwikkelingsruimte voe ondernemers zo da ze d'r bedrijf over kunne draehe an de volhende heneratie. Zo bluuve familiebedrieven beouwe.
- 03** d'r kom pas nieuwe wet- en rehelheving a de kosten die a de ondernemer moe maeke, bin openome in de pries van de producten.
- 04** Nederland is een andelsland, BBB is dirrom tehen een arde Nexit uut de EU. De EU moe echter hin superstaat worre, die a oalle rehels voe oalle inweuners hi bepale.
- 05** Elke rehio in Europa, of a dit noe landen of streken bin, bin uniek en diene d'r eihen tradities en leefwiezes te kunne beouwe.
- 06** D'r kom een structurele campagne, hufinancierd deu de overeid, om consumenten te stimuleren om in Nederland gemaekte producten te kôôpen.
- 07** Overeid en bedrijfsleven kieze wi meuheluk in kantines, bedrijfsrestaurants, ziekenuuzen en foodservice voe Nederlandse producten en draege dit ok uut ne de consumenten.
- 08** Nederland investeert structureel in innovatie- en onderzoek zo a onze ondernemers an de wereldtop kunne bluuve producere.
- 09** 't Kwartje van Kok moe, zo a 30 jaer heleje a beloofd, nu eindelijk me is worre afgeschaft. Mie andere woorden: de branstofaccijnzen motte worre trugebrocht mie dit bedrag. Dit lever 't bedrijfsleven een hrôôte kostebespaering op en de overeid toon zich dan eindelijk een betrouwbaere partner.
- 10** En noe a we toch bezig bin: wi bluufft die 1.000 euro van Rutte?

## GEZOND ONDERWIJS: WAT WIL BBB?

- 01** Scholen op t' platteland bluuve open en 'thuisnabij onderwijs' staat centraal.
- 02** Oalle 150 hekoze Kamerleden en 't voltallige Kabinet vollehe nae elke verkiezingen, verplicht een weke een inboeringscursus op 't platteland, op minimaal 100 kilometer van d'r eihen weunplekke. Die worre hun oalle facetten van weune en werreke op 't platteland biehebrocht deu boeren en plattelandsbeweuners.
- 03** Voe oalle studenten is een basisbeurs beschikbaar.
- 04** Bie nieuw beleid wor t'r een 'krimpcheck' toegepast: dus bievoorbeeld bie 't invoeren van nieuwe rehels in 't onderwies wor hecheckt wat a deze rehels voe impact ebbe voe de scholen op 't platteland.
- 05** Foute en suhestieve informatie over welke sector of hroep mensen dan ok, verdwien uut de schoolboeken. Schoolboeken wi in a nog esproke wor over werkwiezes die a nie mi in Nederland van toepassing bin, zo as legbatterijen en kistkalvers, worre uut t onderwies ehêêle, dan wè annepast. Voe a schoolboeken en lespakketten an leerlingen worre anneboë toetst een deskundihe commissie uut diverse sectoren 't lesmateriaal op feitelijke onjuustheden en propahanda.
- 06** Onderwiesers op oalle scholen wor verbode d'r eihen idealohieën te verspreijen onder leerlingen.  
D;r kom een meldpunt wi a leerlingen en ouwer dit kunne melde. Een deskundihe commissie beoordeelt deze klachten.
- 07** Achterêêld lesmateriaal over voedselproductie, wi in a bievoorbeeld nog hesproke wor over legbatterijen en kistkalvers meuhe in de tussentied op scholen nie mi worre hebruukt.
- 08** Voedselonderwies op de basisschole wor verplicht. Boerderij-educatie is ier in een wezenluk onderdeel. In de wet wor ierover openome, da de kosten en de arbeid die a de ondernemer di in steekt volledig worre verhoed.
- 09** Vriewillige boerderijeducatie wor beter hewaardeerd. De overeid stimuleert boerburgercommucatie nie alleen in woorden, mè ok in dadeb en za dan ok jaerlijks substantieel financieel biedraege an boerderijeducatie.
- 10** In de opleiding van oalle docenten wor een stage bie een onderdeel van de agrarische sector verplicht.
- 11** Op de opleidingen voe Journalistiek wor landbouw, visserij en platteland een verplicht vak.
- 12** 't Voortgezet, middelbaer, ôôher en universitair agrarisch onderwies wor, in saemenwerkign mie 't bedrijfsleven, beter hepromoot op basisscholen en voortgezet onderwies. Alleen dan kan Nederland leidend bluuve als Agrarisch Kenniscentrum voe de rest van de wereld en zo elleppe te zurrehen voe voedselzekereid in de wereld.

## GEZOND ONDERWIJS: WAT WIL BBB?

- 13** Hezie de specifieke uitdagingen en kennis in deze sector voal Agrarisch onderwijs onder de verantwoordelijkheid van 't ministerie van Platteland en nie onder 't ministerie van Onderwies.
- 14** D'r kom meer voorlichting om jongere te stimuleren een opleiding in de agrarische sector te vollehen. De landbouw wor steeds meer hightech middels bievoorbeeld ICT en precisielandbouw. Dus ok ier ei de sector noe iets nieuws te biejen qua onderzoek en scholing voe een hroep jongere.
- 15** D'r moe ok in 't landelijk gebied hoeie toehang weze to ôôhescholen en universiteiten, eventueel via afstandsonderwies, hecombineerd mie lesdaehen op locatie, dit zurg d'r voe da ôôgopgeleide jeugd voe d'r studie nie oeve te veruuzen nae de hrôôte steden. Dit kan meuhelek op 't platteland nieuwe impulsen stimulare.
- 16** BBB wil actieve buurtuuzen in ieder durp, wi a verschillende activiteiten verzurgd worre deur cultureel maatschappelijk werkers. Hun kunne tevens een signaleerfunctie vervulle in de ontwikkeling van de jeugd in de durrepen en di een positieve stimulans an heve.

## GEZONDE MAATSCHAPPIJ: WAT WIL BBB?

- 01** BBB wil een Constitutioneel Hof in Nederland, zo a ok a in 2018 deur de Commissie Remkes is voorgesteld. Hek genoeg ka je op dit moment as kiesgerechtigde Nederlander weinig doe a t parlement een wet aanneemt die a in strijd is mie de Grondwet. Mie de oprichting van een Constitutioneel Hof kunne burhers wé laete toetse of a een wet in strijd is mie de Grondwet. Het CH toetst of a een wet of rehel nie in strijd is mie de fundamentele rechten en vriedheden of mie het gelijkbehinsel zo a die in de Grondwet is vasteleid. Het CH moe ok de meuhelekheid kriehe om conflicten tussen wet- en rehelheving tussen verchillende provincies te toetsen. Ok beslist 't over een correct verlôôp van verkiezingen en referenda en over de rechtsgeldigheid van ôôhe mandaten zoas die van een Kabinet of een parlamentslid. Artikel 120 van de Nederlandse Grondwet, dat a de rechter verbiedt om de wet te toetsen wor heschraapt. Het CH mo laegdrenpelig weze.
- 02** Meer held voe polisie en handhaving. Kleinere polisietaken worre nie zonder meer afeschove op BOA's, zonder a deze middels ebbe om d'r eihen te beschermen. De polisie mo substantieel meer ahenten kunne opleie. De polisieposten op 't platteland komme trug.
- 03** Iedereen in Nederland verdien hellieke kansen. Di oeve we hin êêle parahraaf an te wijden. Racisme en discriminatie bin ontoelaetbaer en strafbaer. Punt.  
Voe BBB maeke kleur, leeftied, afkomst, seksuele heardeid en relihie niks uut. Discriminatie is verbode. Dus ok positieve discriminatie. Mensen die a sollicitere bie de overeid worre beoordeeld op basis van kwaliteit en nie op basis van heslacht, licamelijke beperking, kleur seksuele heardeid, religie of wat dan ok. D'r kom dan ok hin vrouwequotum, of welke quaota dan ok bie overeidsdiensten. 't Enihe quotum wat a t'r komt is een kwaliteitsquotum. 100 procent van de werknemers ei de beste kwaliteiten.  
Bie 't toewiezen van weuningen wor hekeke ne urhentie en nie ne afkomst. Dit betekent da de ene bevolkingshroep nie meer of minder of eerder recht ei op een betaelbaere weuning dan de andere bevolkingshroep, puur op basis van afkomst.
- 04** Vaak worre hesprekken op tv mie mensen die a van 't platteland komme (Limburhers, Tukkers, Friezen, Brabanders, etc. ) standard voorzie van ondertiteling. BBB vin dit discriminerend. BBB wil da oalle hesprekken op tv wi in a hin ABN wor hesproke, worre ondertiteld. Dus ok a iemand plat Amsterdams, Haegs, Rotterdams, Goois of Utrechts proat. Helieke monniken, helieke kappen.
- 05** De Nederlandse land- en tuunbouw oef de wereld nie te voeden, mè kan we ELLEPE de wereld te voeden. Deu boeren in Nederland te ouwen, bluuf ok de kennis over voedselproductie in Nederland. Deze kennis kunnen me inzette in landen wi a voedselzekerheid nie vanzelfsprekend is. Voedselschaerste leidt tot sociale onrust, erremoe, burheroorlogen en

## GEZONDE MAATSCHAPPIJ: WAT WIL BBB?

di mie immigratiestrôômen. Dit is onwenseluk. Nederland elpt deze landen mie d'r landbouw kennis voedselzekerheid te verkriehen.

- 06** Mensen die a echt op de vlucht bin voe oorlohen, of van wie a d'r leven of en/of dat van d'r hezin ernstig wor bedreigd en dat an kunne tône, bin welkom in Nederland, voe de tied die a di voe nodig is. Ut ei de voorkeur, om d'r voe te zurrehen da deze mensen in eigen rehio's worre opevange. Dit mikt 't makkelijker om deze mensen- a dat wee meuheluk is - in te zetten in de wederopbouw van d'r eihen land.
- 07** Immihranten die NIE uut een oorlogsgebied kommen, motte an kunne tône da ze in Nederland vast werk en onderkommen ebbe. A ze dit kunne bewieze én de Nederlandse taal hoet machtig bin, worre ze toehelaete. Nae vuuf jaer te ebbe biehedrohe an de Nederlandse maatschappij en economie, kunne ze in anmerking komme voe een permanente verbluufverhunning.
- 08** Economische helukszoekers zonder werk en inkomen worre nie toehelaete of zo snel meuheluk uutezet né eihen land. Nederland neem alêên aantoonbaere oorlogslachtoffers of aantoonbaer ernstig bedreihde mensen op.
- 09** D'r kom een herijking van de natura 2000 gebieden. Te vee anheweze hebieden, of hebieden die a oneihelluk bin anneweze, worre heschrapt.
- 10** Mete=wete. Nieuw overeidsbeleid wor hebaseerd op concrete meetgegevens in plekke van op annames en modellen.
- 11** Lokale partijen kriehe nae aantal zetels in hemeentereden en PS een heliekwaardige partijsubsidie zo a landelijke partijen in de Tweede Kaemer noe ok kriehe.
- 12** BBB trekt nie aan een dood Konikpaerd. We werreke nie mie wensnatuur, me stelle reële natuurdoelen. Miljoene euro's stoppe in kansloze projecten is verleje tied.
- 13** 't Landschap is evenvee waerd as 't klimaat. D'r komme hin zonnepanelen in 't buutenhebie so lang a t'r nog lehe daken en terreinen bin. Nieuwe zonneparken worre hetoetst an de zunneladder of een verheliekbaer afwehingskader.
- 14** D'r komme betaelbaere weuningen voe starters op de weuningmarkt. Voe zohenaemde 'scheefuurders' komme weuningen beschikbaar om deurstrôôming meuheluk te maeken. Wie kleiner wil he weune mo een redelijk alternatief hebode worre.
- 15** De stem van de burher wor tussen de verkiezingen deur ehoord bie belangrieke besluitvurming (bievoorbeeld) over z'n leefomheving. Dit hebeurt bievoorbeeld via (lokale of rehionale) referenda en/of volkspeilingen. Te dienken voal an een volkspeiling bie de anleg van mega-zonneparken of windmeulens in 't buutenhebie en op de Noordzee en in het Ijselmeer.



## GEZONDE MAATSCHAPPIJ: WAT WIL BBB?

- 16** Subsidies voe zonnepanelen worre hebruukt voe de anleg van panelen op bedrijfsdaeken en heluudsschermen, in plekke van op (landbouw)grond.
- 17** Nederland tel ruim 139.000 kilometer verarde wehen. Onderzocht moe worre of a in de vanrails kleine zonnepaneeltjes kunne worre anhebrocht. Zo wor landschapsvervuuling tehen ehéé en kan vee hroene energie opewekt worre.
- 18** BBB is echter t' meeste voe kernenergie as schone energiebron. Voe een structurele energieproductie, zonder antasting van ons mooie landschap, zonder aanpassing van ons energienet kunne veilihe kerncentrales hebouwd worre. Hin CO2 uutstoot en een hoedkoope grondstof. Nieuwe technieken bieje nieuwe veilihe inzichten: w.o. kernenergie.
- 19** Hroenafval wor nie estookt in biomassacentrales, mé inhezet ter verbetering van de bodem en bevordering van de hroei van planten.
- 20** Boerenatuur is ok natuur en wor as zodanig deu de overeid erkend, hewaardeerd en hestimuleerd. Natuurorhanisaties gesubsidideerd deur de overeid, neme 't belang van beoud van boerenatuur mee in d'r campagnes en draehe actief uut da boerenatuur ok natuur is.
- 21** De subsidiestroom nae 'hoeie doelen orhanisaties' en actiehroepen die politiek bedrieve, en zo 't democratisch proces beinvloede, wor hestopt. Hoeie doelen-orhanisaties die mie d'r activisme 't leven in hevaer brienge van boeren, burhers en vissers, wor de ANBI-status af-enome, zo da ze hin belastingvoordeel mi ebbe.
- 22** De uutkoop van boeren om hroene economie (landbouw) in te ruilen voe hrieze economie (industrie) wor hestopt. Boeren maeke hin luxeproducten, mé noodzakelijke producten: voedsel. Dit vurmt neffen zuurstof en waeter een eerste levensbehoefte. Voedselmaekers jaeg je nie wig uut Nederland, die beou je voe Nederland.
- 23** D'r kom hin uitbreiding van Natura 2000 hebieden. 't Uutkôôpen van boeren om de instandhoudingsdoelen an de randen van de Natura 2000 hebieden te bereiken is onnodig en ei hin positief effect. 't Mag nie zo weze a d'r deur subsidierehelingen rondom Natura 2000 hebieden vervolgens uitrookbeleid evoerd wordt, omda achtebluuvende veeouwers hin ontwikkelingsruimte mi hebode wordt.
- 24** De in 't verleden uuthevoerde maatregelen in Natura 2000 hebieden worre hetoetst op resultaat om te voorkomen a d'r nog meer miljarden euro's worre verspild.
- 25** BBB wil e daadwerkelijke afgesproke natuurwaerde evaluere mie onafhankelijke biolohen, en a de instanthouding realistisch is deze (zo as die ene specifieke blomme, dat ene specifieke beestje, plantje of insectje) in een Natura 2000 hebied bescherme.

## GEZONDE MAATSCHAPPIJ: WAT WIL BBB?

- 26** Rond zo'n specifiek gebied wordt een fihuurlekke rooie contour etrokke. Boeren buiten die rooie contouren bluuve d'r ontwikkelingsruimte ouwe. Zo waerborrehe me de productie van gezond voedsel voe iedereen en 't bestaensrecht van onze land- en tuunbouw en di mie een leefbaar platteland mie voldoende bedrijvigheid, werkgelegenheid, kansen voe recreatie en toerisme, landschapsbeheer en natuurbeheer en sociale binding tussen boeren en burhers.
- 27** Natura 2000 gebieden motte zo vee as meuheluk beleefd kunne worre deu de mens. Ontoehankelijke natuurgebieden worre per direct opengesteld. De burher betaelt d'r via belastingen an mee en ei t'r recht op om van deze gebieden te genieten én te controleren wat a t'r mie z'n belastingcenten is hebeurd.
- 28** We motte hoet zurrehe voe de natuur, zehhe de Raad van Staet en de Europese Commissie. BBB is 't di mie eens. Echter oea we dat motte doe, sti in hin enkele wet. Stikstofreductie is hin middel dat a deur de EC of de rechtspraak is opeleid. 't Trugbriengen van de snelheid van 130 né 100 km/h ôô op basis iervan nie henome te oeve worre en wor dus teruggedraaid.
- 29** Oalle stikstofmaatrehels hi van taefel en d'r komme hin nieuwe maatrehels. Zolang a de ahrarische sector onder 't, deu de EU verplichte, stikstofplafond bluoft, is t'r in principe hin enkele reden om via miljarden kostende stikstofmaatrehels de natuur te herstellen.
- 30** D'r wor hekeke nê doelmatihie alternatieven voe de stikstofmaatrehels. Een verzuurd natuurgebied kan bievoorbeld eel eenvoudig worre hersteld deur 't toevoehen van kalk. Een maniere die a deur boeren en tuunders a eeuwen wor toehepast op d'r eihen bodem. Ratio hi boven emotie.
- 31** De zohenaemde KD (de oeveelheid stikstof die a neer mag slae op een natuurgebied) bin nie aelbaar. A oal 't vee, oalle verkeer, aolee mensen, oalle luchtvaart en oalle industrie uut Nederland is verdwene, dan nog is de stikstofdepositie in tientalla natuurgebieden te ôôhe. d'r komme aelbaere normen wi deur 't mooie karakteristieke Ollandse landschap beschermd en beheerd bluoft.
- 32** Natuur en milieu stoppen ie bie de hrens. D'r komme Europese doelstellingen en samenwerkingen bie 't beoud en verbetering van natuur en milieu. Dit in plekke van bovenwettelukke Nederlandse doelstellingen en eisen.
- 33** Hemeenteraedsleden kieze de leden van de Eerste Kaemer en nie Provinciale Staten. Ier-mee bluof 't lokale heluud in de landelijke politiek (E.K.) ok hewaerborgd.

## GEZONDE MAATSCHAPPIJ: WAT WIL BBB?

- 34** De omhevingswet, de lokale participatie, 't bevehen van taken en beveheden bie de hemeente is een hoeie zaak, echter de nieuwe Omhevingswet kan leie tot een willekeur an rehels, die a per hemeente anders bin. Beleid moe worre hebaseerd op objectieve uutgangspunten en meetmethodieken. Wi nôôdig en wi a de situatie d'r om vrêêgt, za 't beleid soepeler of strenger motte weze. Wi a 't nie nodig is, helde de landelijke rehels.
- 35** Moeilijke vraegstukken die qua kennis boven de pette van hemeente's hit, motte in overleg mie provincies en landelijke overeid worre behandeld. Hemeenten motte nie zelluf 't wiel uut hi vinde.
- 36** Procedures en rehels in de Omhevingswet motte voe iedereen eenvoudig bluuve en nie te kostbaer worre om uut te voeren.
- 37** Elk bedrijf dat a z'n eihen ontwikkelt, is toekomstbestendig. Hemeentelijke ontwikkeling van bedrijfs- en stalsystemen, uutstoot van (schadelijke) stoffen en verthroening worre bekeke en behandeld as één heheel. Dit totaalplaetje wor deurvertaald in een omhevingsplan.
- 38** De overeid stimuleer da plattelandshemeenten lokaal en klein kunne bluuve en reikt ze di voe actief (financiële) middels an.
- 39** Plattelandshemeenten worre nie hedwonge om uut financiële overwehingen te fuseren mie een stad tot een superhemeente. 't Risico nae zo'n fusie is hrôôt dat de voormalihe kleine hemeenten, die noe autonoom bin en dicht bie de bevolking stae, worre overschreeuwd of overruled deur de 'hrôôte stadsbroer'. De kloof tussen burher en overeid moe worre verkleind en een 'superhemeente'sti te verre af van de bevolking.
- 40** D'r komme henoeg weuningen voe jongere op 't platteland. Zo wor de diversiteit van jong en oud op 't platteland beouwe en leegloop voorkomme. Leegloop leidt tot verpaupering en onleefbaereid.
- 41** We heve meer aandacht aan bestrijding van criminaliteit op 't platteland om zo drugskartels en rondrieende bendes, die a uut bin op bievoorbeeld GPS apparatuur, hin kans te heven. Ok ier heldt: meer held en middelen voe politie en handhaving.
- 42** D'r wor eerst zo vee meuhelek op de lehe en beschikbaere plekken binnen de bestaende kernen/steden hebouwd. Zo worre vruchtbaere landbouwhrond en 't uniekie landschap op 't platteland beouwe. Pas a binnendurps bouwen nie afdoende bliekt, wor t'r hebouwd om de kernen ene.
- 43** In de steden worre kantoor- en winkelpanden, die a langer dan 1 jaer leeg stae, eerts omhebouwd tot weuningen/appartementen, voe da landbouwhrond op 't platteland wor afe-snoept voe nieuwbouwuuzen.

## GEZONDE MAATSCHAPPIJ: WAT WIL BBB?

- 44** Om zo vee meuhelluk landbouwhrond te spaeren, wor t'r in de kommende jaeren meer verticaal dan horizontaal ebouwd. Dus: meer ôôgbouw in de steden, zo a 't platteland z'n unie-ke karakter en landschap kan beouwe. De stadsbeweuner kan dan in z'n vrieë tied komme heniete van 't mooie landschap, de frisse lucht en de natuur in z'n directe omheving.
- 45** In steden wor meer hroen anneleid voe de recreatie en ontspanning van de stadsbeweuners. Dit is hoet voe 't klimaat en zurgt voe minder ôôhe temperaturen in de volle en drukke stad.
- 46** Landelijke rehels omtrent tradities, folklore en cultuur kriehe een plattelandstoets. Hetoetst wor of de rehelheving vanuut den Haeg wé relevant is voe 't platteland en wat a de hevol-hen bin voe de onderlinge sociale binding, de cultuur en noaberschap op 't platteland.
- 47** BBB wil een overeid die a transparant te werk git, en eerlijk is over wi a beleid voe innezet wordt. De overeid oor dienstbaer te wezen an d'r inweuners en inteher te werk te gaen.